

欽定四庫全書薈要

史部
別史類

吉林出版集團有限責任公司
海天出版社





目次

書名	卷次	頁次	作者
宋史紀事本末 卷首 卷一 太祖代周 收兵權 平荆湖 平蜀 平南漢 平江南 太祖建隆以來諸政 禮樂議 治河 金匱之盟 卷二 吳越歸地 平北漢 契丹和戰 西夏叛服 交州之變 蜀盜之平 卷三 太宗致治 營田之議 至道建儲 咸平諸臣言時務 契丹盟好 卷四 天書封祀 丁謂之奸 明肅莊懿之事 郭后之廢 天聖災議 卷五 茶監榷罷 正雅樂 慶歷黨議	卷一—卷二八	二一〇—一 二二〇—五 二二〇—四四 二二〇—七二 二二〇—一〇三 二二〇—一二九	明·馮琦原編 陳邦瞻增輯

書名	卷次	頁次	作者
卷六 夏元昊拒命 儂智高 貝州卒亂 浚六塔二股河		二二〇—一六二	
卷七 英宗之立 刺義勇 濮議		二二〇—一九二	
卷八 王安石變法		二二〇—二〇九	
卷九 學校科之製 元豐官製 西夏用兵 熙河之役 瀘夷		二二〇—二四一	
卷一〇 元祐更化 宣仁之誣 洛蜀黨議 紹述		二二〇—二六九	
卷一一 孟后廢復 建中初政 蔡京擅國 花石綱之役 道教之崇		二二〇—三〇〇	
卷一二 金滅遼 復燕雲 方臘之亂		二二〇—三三五	
卷一三 群奸之竄 金人入寇 二帝北狩 張邦昌僭逆		二二〇—三六二	

書名	卷次	頁次	作者
卷一四		二二〇—三九二	
高宗嗣統 李綱輔政 宗澤守汴 兩河 中原之陷 南遷定都			
卷一五		二二〇—四一七	
金人渡江南侵 苗劉之變 平群盜 金 人立劉豫			
卷一六		二二〇—四四三	
張浚經略關陝 吳玠兄弟保蜀 岳飛規 復中原 順昌柘皋之捷			
卷一七		二二〇—四六五	
秦檜主和			
卷一八		二二〇—四八八	
金亮之惡			
卷一九		二二〇—五〇六	
建炎紹興諸政 孝宗之立 隆興和議			
卷二〇		二二〇—五三一	
孝宗朝廷議 陳亮恢復之議			
卷二一		二二〇—五六一	

書名	卷次	頁次	作者
道學崇誥 卷二二 兩朝內禪 韓侂胄專政 北伐更盟 吳曦之叛 卷二三 蒙古侵金 金好之絕 李全之亂 卷二四 史彌遠廢立 金河北山東之沒 蒙古取汴 會蒙古兵滅金 三京之復 卷二五 蒙古連兵 余玠守蜀 真魏諸賢用罷 史嵩之起復 董宋臣丁大全之奸 公田之置 卷二六 蒙古諸帝之立 蒙古立國之製 北方諸儒之學 蒙古南侵 郝經之留 李壇之納 卷二七 賈似道要君 蒙古陷襄陽 是時李庭芝遣兵入援		二二〇—五八三 二二〇—六一三 二二〇—六四四 二二〇—六七八 二二〇—七〇七 二二〇—七二九	

書名	卷次	頁次	作者
卷二八 元巴延入臨安 二王之立 文謝之死 元史紀事本末 卷首 卷一 江南群盜之平 北邊諸王之亂 高麗之臣 日本用兵 占城安南用兵 西南夷用兵 阿哈瑪特僧格之奸 卷二 科舉學校之製 郊議 廟祀之製 律令之定 運漕 治河 官製之定 尚書省之復 卷三 諸儒出處學問之概 郭守敬授時歷 佛教之崇 武仁授受之際 特們德爾之奸 晋邸之立 三帝之立 卷四 托克托之貶 小明王之立 察罕特穆爾克復之功 東南喪亂 諸帥之爭	卷一—卷四	二二〇—七五〇 二二〇—七七二 二二〇—七七二 二二〇—八〇一 二二〇—八四三 二二〇—八七六	明·陳邦瞻撰

欽定四庫全書叢要

史部
宋史紀事本末卷一

詳校官員外郎臣楊世綸

欽定四庫全書

宋史紀事本末

提要



欽定四庫全書

宋史紀事本末
提要

二

臣等謹案宋史紀事本末二十八卷明陳邦瞻撰邦瞻字德遠高安人萬歷戊戌進士官至兵部侍郎事迹具明史本傳初禮部侍郎臨朐馮琦欲訪通鑑紀事本末例論次宋事分類相比以續袁樞之書未就而沒御史南昌劉曰梧得其遺稿因屬邦瞻增訂成編大抵本於琦者十之三出於邦瞻者十之七自太祖代周迄文謝之死凡分一百九目於一代興廢治亂之迹梗概略具袁樞義例最為賅博其鎔鑄貫串亦極精密邦瞻能墨守不變故銓叙頗有條理諸史之中宋史最為蕪穢不似資治通鑑本有脈絡可尋此書部列區分使一一就緒其書雖亞於樞其尋繹之

宋史紀事本末序

功乃視樞為倍矣然於記載冗雜之內實有披榛得路之功讀通鑑者不可無袁樞之書讀宋史者亦不可無此一編也乾隆四十九年十一月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

宋史紀事本末

二

宋史紀事本末序

宋史紀事本末者論次宋事而比之以續袁氏通鑑之編者也先是宗伯馮公欲為是書而未就侍御斗陽劉先生得其遺稿若干帙以視京兆徐公徐公以授門下沈生俾讐正之因共屬不佞續成焉凡不佞所增輯幾十七大都則侍御之指而宗伯之志也編成宜有序序曰史自紀傳而外益以編年代有全書尚矣事不改於前詞無增於舊臚列而彙屬之以為討論者徑斯於述作之體不已末乎而非然也善乎楊氏之言曰提事之微以先于其明寡事之成以後於其萌其情匿而泄其故悉而約是述本末者旨也而不佞於宋事尤重有慨焉夫史者徵往而訓來考世而定治者也五帝三王之事既已若存若亡而漢唐之盛智名勇功獨為誦說者所艷慕然而未暇考其世已宇宙風氣其變之大者有三鴻荒一變而為唐虞以至於周七國為極再變而為漢以至於唐五季為極宋其三變而吾未覩其極也變

欽定四庫全書

宋史紀事本末

一

未極則治不得不相為因今國家之制民間之俗官司之所行儒者之所守有一不與宋近者乎非慕宋而樂趨之而勢固然已舟行乎水而不得不視風以為南北治出乎人而不得不視世以為上下故周而上持世者式道德漢而下持世者武功力皆其會也逮於宋則仁義禮樂之風既遠而機權詐力之用亦窮藝祖太宗觀其然故舉一世之治而繩之於格律舉一世之才而納之於準繩規矩循循焉守文應令雍容顧盼而世已治大抵宋三百年間其家法嚴故呂武之變不生於肘腋其國體順故莽卓之禍不作於朝廷吏以仁為治而蒼鷹乳虎之暴無所施于郡國人以法相守而椎埋結駟之俠無所容於閭巷其制世定俗蓋有漢唐之所不能臻者獨其弱勢宜矯而煩議當黜事權惡其過奪而文法惡其太拘要以矯枉而得於正則善矣非必如東西南北之不相為而寒暑晝夜之必相代也故曰世變未極則治不得不相為因善因者鑒其所以得與其所

以失有微有明有成有萌有先有後則是編者夫亦足以觀矣余故不揣而叙之俾論世之君子有考焉萬歷乙巳仲春南京吏部稽勲清吏司郎中高安陳邦瞻書

宋史紀事本末序

夫古今之有史皆紀事也而經緯不同左馬之義例精矣一以年為經一以人為經而建安袁先生復別開戶牖迺又以事為經而始末具載士有游心得失之林而希合出門之轍者咸有取焉余嘗為之評曰是書也事固無改于前其範圍在二子之內例則有取于會其標指為二子之功試即所紀一事論之志盛以舉衰則升降具鏡成以照敗則人事明觀變以著漸則幾微彰

欽定四庫全書

宋史紀事本末

因事以察人則材品列其於編年列傳未嘗不可合而見也袁氏紀漢唐顧未及宋樞本宋人忌諱繁矣國家於宋稱近古高皇帝規天條地國勢之強弱大小法度之疎密雖不可同日語然三代而降其紀綱風俗何遂能有加于乾德周監二代豈無有取于斯乎即濂洛之疏注益二百年用之矣昔人謂三皇之事若存若亡蓋時運歷今日而漢唐之事亦若存若亡汴都臨安之際史亦輦然具乎一何蕪穢也士欲修宋事之闕不稟命

欽定四庫全書

宋史紀事本末

素王取裁龍門扶風而務為袁氏後勁即事或有待固未可知母亦以其廬列事體深切著明蓋亦論世之權輿徵往之符契邪余師臨朐馮先生益嘗慨然於斯稍為編次凡例初具天復不弔及余行部舊京從京兆徐公所得故沈侍御所輯事紀於其子朝陽義例適與馮先生合而刪潤未備條貫稍遺余鄉司勳陳公德遠博觀二酉之藏能以其精神疏覲古人於千載之後事惟擇其闕時言無取於枝葉或累牘而兼取或單詞以見意即前人未發之指間一闡揚而不穿鑿附會以為高蓋經三公之手而書始成其有光于建安可知也夫以兩宋近古之事方內外固不乏通儒而削牘摩編欲就而未決者又數百年機緣偶值聚於一日昔人謂文章經國大業豈偶然哉士君子讀天下書固將為世用前事之師自古談之徒區區務師心以游於轡轡幸而後敗不可為訓要之楫不從式車不合轍亦必未有能濟者也明治固號為雍熙其間亦多故矣姑以宋事證之

若靈州之議澶淵之榮濮園之辨洛蜀之黨蓋亦有髣髴於今者而善敗之故一彼一此斯亦可以備得失之林矣善譜者不盡奕之變然未有不學譜而奕者也余承宗伯先生志遂壽諸梓而余有弟適為國子祭酒以其本授之列在學宮令四方士得觀覽焉
萬曆三十三年歲在乙巳春仲穀旦京畿道監察御史南昌劉曰梧易生父譔

欽定四庫全書蒼要卷八千七百八十一
宋史紀事本末卷一

明 馮琦 撰

陳邦瞻 輯

太祖代周

宋太祖建隆元年周恭帝宗訓元年也先是周顯德六年十一月鎮定二州上言北漢會契丹兵入寇至是年正月辛丑朔遣殿前都點檢檢校太尉歸德節度使趙

匡胤率兵禦之殿前副都點檢慕容延釗將前軍先發時主少國疑中外密有推戴匡胤之意都下謠言將以出軍之日冊點檢為天子士民恐怖爭為逃匿計惟內廷晏然不知癸卯大軍繼出軍校苗訓號知天文見曰下復有一日黑光摩盪者久之指示匡胤親吏楚昭輔曰此天命也是夕次陳橋驛將士相聚謀曰主上幼弱吾輩出死力破敵誰則知之不如先冊點檢為天子然後北征未晚也都押衙李處耘具以事白匡胤弟供奉

官都知匡義及歸德掌書記趙普匡義普部分諸將環列待旦遣牙隊軍使郭延贊馳騎入京報殿前都指揮使石守信都虞候王審琦二人皆素歸心匡胤者甲辰黎明將士逼匡胤寢所匡義普入帳中白之匡胤時被酒卧欠伸徐起將校已露刃列庭曰諸將無主願冊太尉為皇帝匡胤未及對黃袍已加身矣眾即羅拜呼萬歲掖之上馬還汴匡胤攬轡曰汝等貪富貴立我能從我命則可不然我不能為主矣皆下馬曰願受命匡

欽定四庫全書

宋史紀事本末

三

胤曰太后主上我北面事者不得驚犯公卿皆我比肩不得侵凌朝市府庫不得侵掠用命有重賞違不汝賞也皆應曰諾遂肅隊而行乙巳入汴先遣楚昭輔慰安家人又遣客省使潘美見執政諭意時早朝未罷聞變范質執王溥手曰倉卒遣將吾輩之罪也爪入溥手幾出血溥噤不能對待衛親軍副都指揮使韓通自禁中遽還而歸謀帥眾禦之軍校王彥昇逐馬通馳入其第未及闔門為彥昇所害妻子俱死匡胤進登明德門

令甲士歸營而自退居公署將士擁范質等至匡胤見之流涕曰吾受世宗厚恩為大軍所迫一旦至此慙負天地將若之何質等未及對列校羅彥環挺劍厲聲曰我輩無主今日必得天子質等相顧不知所為溥降階先拜質不得已亦拜遂請匡胤詣崇元殿行禪代禮召百官至晡時班定猶未有禪詔翰林承旨陶穀出諸袖中遂用之匡胤就廷北面拜受已乃掖升殿即皇帝位奉周主為鄭王符太后為周太后遷之西宮乙巳大赦

欽定四庫全書

宋史紀事本末

三

改元以所鎮歸德軍在宋州國號宋遣使遍告郡國藩鎮加官進爵有差定國運以火德王色尚赤臘用戌帝涿郡人四世祖眺唐幽都令生珽唐御史中丞珽生敬涿州刺史敬生弘殷周檢校司徒岳州防禦使弘殷娶杜氏生帝於洛陽夾馬營赤光繞屋異香經宿不散及長容貌雄偉器度豁如識者知其非常人仕周補東西班行首累官殿前都指揮使掌軍政凡六年數從世宗征伐游立大功人望歸之世宗嘗於文書囊中得木長

三尺餘題曰點檢作天子時張永德為殿前都點檢乃命代之卒用代周華山隱士陳搏聞帝代周曰天下自此定矣未幾鎮州報北漢兵引還 戊申詔贈周馬步親軍副都指揮韓通為中書令以禮收葬以旌其忠欲加王彥昇擅殺之罪羣臣以建國之始乞賞之帝猶怒故終身不得節鉞 辛亥論翼戴功加石守信為侍衛親軍馬步軍副都指揮使高懷德為殿前副都點檢張令鐸為馬步軍都虞候王審琦為殿前都指揮使張光翰為馬軍都指揮使趙彥徽為步軍都指使並領節鎮餘領軍者並進爵時慕容延釗握重兵也真定韓令坤領兵巡北邊帝遣使諭意許以便宜從事兩人皆聽命乃加延釗殿前都點檢令坤侍衛都指揮使 乙卯帝以其弟匡義為殿前都虞候改名光義趙普為樞密直學士立四親廟尊高祖眚為僖祖文獻皇帝曾祖珽為順祖惠元皇帝祖敬為翼祖簡恭皇帝妣皆為皇后考弘殷為宣祖昭武皇帝定制歲以四孟月及季冬

凡五享朔望薦食薦新三年一禘以孟冬五年一禘以孟夏 夏四月癸巳周昭義節度使李筠起兵初帝即位遣使加筠中書令使者至潞州筠欲拒之賓佐切諫乃延使者置酒既而取周太祖畫像懸於壁涕泣不已賓佐惶駭告使者曰令公被酒失其常性幸勿訝北漢主鈞聞之乃以蠟書結筠同舉兵筠長子守節泣諫筠不聽帝手詔慰撫且召守節為皇城使遣歸謂筠曰我未為天子時任汝自為之我既為天子汝獨不能小讓

兵弱少而贊又來監心甚悔謀多不協乃留守節守潞而自引衆南向北漢主聞贊與筠異復遣其平章事衛融和解之帝遣石守信高懷德慕容延釗王全斌分道擊之仍勅守信等曰勿縱筠下太行急引兵扼其隘破之必矣守信等敗筠兵於長平 六月辛未帝自帥大衆討筠山路險峻多石帝先於馬上負數石將士因爭負之即日平為大道遂與守信等會大敗筠衆於澤州南殺盧贊筠走保澤州帝親督戰列柵圍之大將馬全

欽定四庫全書

宋史紀事本末

六

義帥敢死士數十人攀堞而上遂入其城筠赴火死獲衛融請死帝怒以鐵撻擊其首流血被面融呼曰臣得死所矣帝曰忠臣也釋之以為大府卿北漢主懼引師歸帝進攻潞州守節以城降帝釋其罪以為單州團練使 秋七月帝自潞州還以大梁為東京洛陽為西京己未周淮南節度使李重進據揚州起兵重進周太祖之甥與帝同事周室分掌兵柄常心憚帝帝立加重進中書令移鎮青州重進愈不自安陰懷異志及李筠

舉兵重進遣親吏崔守珣往潞陰結筠守珣素識帝乃潛詣京師求見帝問曰我欲賜重進鐵券彼信我乎守珣曰重進終無歸順之志帝厚賜守珣令說重進緩其謀無令二兇並作分我兵勢守珣歸勸重進未可輕發重進信之既而帝遣六宅使陳思誨賜之鐵券重進欲治裝隨思誨朝汴左右沮之猶豫不決又自以周室懿親恐不得全遂拘思誨治城繕兵遣人求援於唐唐主以聞遣石守信王審琦李處耘宋偓等分道討之趙普

欽定四庫全書

宋史紀事本末

七

勸帝自行 冬十月帝發汴十一月丁未至廣陵即日拔之城將陷左右欲殺思誨重進曰吾將舉族放火死殺此何益即盡室自焚思誨亦被害帝入城戮同謀者數百人揚州平 史臣曰韓通死于宋未受禪之頃忠義之志明矣李筠李重進舊史書叛叛與否未易言也洛邑所謂頑民非殷之忠臣乎或曰三人者嘗臣唐晉漢矣曰智氏之豫讓非歟

三年冬十月遷鄭王宗訓於房州王後以開寶六年春